



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დისევი



დისევი ძელიცხოვლის დარბაზული ეკლესია X ს.

დისევი, სოფელი ერედვის მუნიციპალიტეტის ქსუისის თემში, მდინარეების პატარა ლიახვისა და მეჯუდის წყალგამყოფი ქედის დას. მთისწინეთში, მდ. ჭარებულის (ლიახვის აუზი) მარცხ. მხარეს. ზ. დ. 1000 მ, ერედვიდან 7 კმ, ცხინვალიდან (უახლოესი რკინიგზის სადგ.) 15 კმ. 805 მცხ. (2002).

ვახუშტი ბატონიშვილი (XVIII ს.) სოფელს დისევის სახელით მოიხსენიებს. სოფლის აღმ. ნაწილში, გორაკზე, დგას ქართ. ხუროთმოძღვრების ძეგლი – X ს. ძელიცხოვლის დარბაზული ეკლესია. მოგვიანებით დას. მხრიდან მიუერთეს გარშემოსავლელის დას. ნაწილი და ამით გაზარდეს მისი მოცულობა. ჩრდ-ით გარშემოსავლელის მხოლოდ მცირე ნაწილია დარჩენილი. ნაგებია რიყისა და ნატეხი ქვით. კუთხეები და კონსტრუქციულად მნიშვნელოვანი ნაწილები ამოყვანილია ღვინისფერი ტუფის კვადრებითა და შირიმის ქვით. ეკლესია შიგნით და გარედან შელესილი იყო. შესასვლელი ჩრდ-იდან აქვს. ინტერიერში გრძივი კედლები ორ ნაწილადაა დანაწევრებული პილასტრების ერთი წყვილით, რ-ებზეც ამოყვანილ კედლის თალებზე დაყრდნობილია კამარის საბჯენი თალი. ფასადები სადაა. აღმოსავლეთის ფასადზე სარკმელი დაგვირგვინებულია რელიეფური კომპოზიციით, რ-ის შუაში ამოკვეთილია განედლებული ჯვარი, ბურთულები, ხოლო ნაპირებზე – მედალიონებში ჩასმული ცხოველთა ფიგურები და ადამიანის გამოსახულება (მკერდის ზემოთ). ქვის მარჯვ. კიდეც ჩამოსდევს ასომთავრული წარწერა (რესტავრ. 2007).

ლიტ: М е п и с ა შ ვ ი ლ ი რ. ს., Ц и н ц ა დ з ე ვ. გ., Архитектура нагорной части исторической провинции Грузии – Шидა Картли, Тბ., 1975.

რ. მეფისაშვილი

ვ. ცინცაძე
